



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՌԸՆԹԵՐ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ**

«Հ» դեկտեմբերի 2016թ.

Հասցե՝ ք. Երևան, Մ. Խորենացու 3, 7

ՈՐՈՇՈՒՄ N 2/06 /01

**Հարկ վճարողից ժամանակին չվճարված հարկային պարտավորությունների գծով վճարման
ենթակա գումարը գանձելու մասին**

ՀՀ կառավարությանն առընթեր պետական եկամուտների կոմիտեի աշխատակազմի իրավաբանական վարչության պետ Ա. Մնացականյանս քննարկելով Արմինե Հարությունյան Ա/Ձ-ի վերաբերյալ վարչական վարույթի նյութերը.
ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների Արմինե Հարությունյան Ա/Ձ-ի ՀՀ՝ 25360231, հասցե՝ ք. Երևան, Քանաքեռ 12 փող. 12տ/ հարկային մարմնի կողմից վերահսկվող եկամուտների գծով չկատարված պարտավորությունը 22.11.2016թ. դրությամբ կազմում է 508.453 դրամ, որն առաջացել է հետևյալ հարկատեսակից՝

- Շրջանառության հարկի գծով պարտավորությունը կազմում է 266.745 դրամ, որից ապառք՝ 158.700 դրամ, տույժ՝ 108.045 դրամ, որն առաջացել է 2015թ. IV, 2016թ. I-III եռ. հաշվարկներից և 2014թ. IV, 2015թ. I-IV, 2016թ. I-III եռ. համար ՀՀ հարկերի մասին>> ՀՀ օրենքի 23-րդ հոդվածի համաձայն հաշվարկված տույժերից,
- Եկամտային հարկի գծով պարտավորությունը կազմում է 147.873 դրամ, որից ապառք՝ 105.200 դրամ, տույժ՝ 42.673 դրամ, որն առաջացել է 2013թ. X-XII, 2014թ. I-XII, 2015թ. I-XII, 2016թ. I-IX ամիսների կանխավճարներից և 2013թ. I-XII, 2014թ. I-XII, 2015թ. I-XII, 2016թ. I-IX ամիսների համար ՀՀ հարկերի մասին>> ՀՀ օրենքի 23-րդ հոդվածի համաձայն հաշվարկված տույժերից,
- Սոց. վճարի/տարեկան/ գծով պարտավորությունը կազմում է 93.835 դրամ, որից ապառք՝ 70.000 դրամ, տույժ՝ 23.835 դրամ, որն առաջացել է 2014թ., 2015թ. տարեկան հաշվարկներից և ՀՀ հարկերի մասին>> ՀՀ օրենքի 23-րդ հոդվածի համաձայն հաշվարկված տույժերից:

Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ Արմինե Հարությունյան Ա/Ձ-ի հարկային մարմնի կողմից վերահսկվող եկամուտների գծով չկատարված պարտավորությունները գանձելու վերաբերյալ՝ «Հարկերի մասին» ՀՀ օրենքի 29.1 հոդվածով նախատեսված վարչական ակտ ընդունելու նպատակով, որի մասին 07.12.2016 թվականին Ա/Ձ Արմինե Հարությունյանը պատշաճ ծանուցվել է վարչական վարույթի հարուցման մասին, չի ներկայացել վարույթի նյութերին ծանոթանալու համար և չի կատարել վճարումներ: Գանձման

ենթակա հարկային մարմնի կողմից վերահսկվող եկամուտների գծով չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր և տուգանքներ:

«Հարկերի մասին» ՀՀ օրենքի 3-րդ հոդվածը սահմանում է, որ հարկը պետական և հասարակական կարիքների բավարարման նպատակով համապարտադիր և անհատույց վճար է: Համաձայն «Հայաստանի Հանրապետության 2016 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Վերոգրյալի հիման վրա, ղեկավարվելով «Հարկերի մասին» ՀՀ օրենքի 29՝ հոդվածով, «Կուտակային կենսաթոշակների մասին» ՀՀ օրենքի 71 հոդվածով, «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

ՈՐՈՇԵՑԻ

1. Արմինե Հարությունյան Ա/Ձ-ից գանձել 508.453 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Ստացա որոշման օրինակը

Նշում որոշումն իրազեկելու այլ միջոցներով վաղից

2016 թ